



სოფლის ცხოვრება.

კასტრა გიძინა გერკვილას

ხანჯალზე წასაწერად

ჯერ პატარა ვარ, უბირი,
მეტი არა მაქვს გონია:
ვინაც ვარს ხალხი მეხვევა
ყველა მოკეთე მგონია.

როს გავიზრდები, გავარჩევ
ცალ-ცალკე ცხვარსა და მგელსა,
და მხოლოდ მაშინ დავადებ
ბასრ ხანჯალზედა მე ხელსა.

მანამდე შევტრფი ჩემ ხანჯალს,
გავფერავ-გავაკრიალე
გამაგრებულის მკლავითა
ბრძოლის დროს დავატრიალებ,—
ვინც მიზიანებს სამშობლოს
მეც იმას დავაზიანებ.

ვაჟა-ფშაველა.

19 მარტი 1912 წელი.

ვარდის ფურცლები

ერთხელ ქალებმა იცით ჯავრი როგორ იყარეს?
ვარდი მიძღვნილი სიყვარულით არ შეიბრალეს,
დაფურცლეს ხელში და ნიაგ-ქარს გადაუყარეს...

გზაზე ფურცლები მიგორავდნენ ხავერდის მგზავსი...
ვგრძნობდი ობლობას მოულოდნელს, სევდაც გულს სწვავდა;
მაგრამ მე მაინც იმ ქალებში ერთი ლამაზი,
ერთი ლამაზი, როგორც უწინ, ისევ მიყვარდა...

ქნარი.

ლტოლვა

(ნაწყვეტი)

თუ ტანჯულთ ბედი არ გაგვიღიმებს
და არ მოგვიტანს რასაც მოველით,
მაშ რისთვის მოგვცა განგებამ ლტოლვა,
ან ამა სოფლად რალად მოველით?
რატომ არ ვყვავით ჩვენც მაისივით?
მწვავე ცრემლებად რად ვიღვენთებით?
ნუ თუ გავქრებით ვით მოჩვენება
და მზის სხივებად არ ავენთებით?

ი. დაროშვილი.

საიდუმლო მიწარ-მო-წარიდან

ბავშვი ხარ, ჩემო ძველო მეგობარო, უსუსური ბავშვი! ზიხარ სადღაც მიყრუებულ სოფელში, რაღასაც ჩხირკედლაობ — ეს კოოპერაციაო, ეს ევეგროპიული სასუქი და გუთანო, ეს ახალი ჯიშის საქონელიო, — და ასე გგონია, ადამიანის უფშინდეს მოვალეობას ვასრულებ და ქვეყანას ვემსახურებო. დღე მოსვენება არა გაქვს ღამე ძილი; სახლი თავზედ გენგრევა, მამაპაპეული მამული ვალში გეყიდება; არც ჭამა გაქვს ადამიანური, არც სმა და შენს ცხოვრებაზედ უკეთესი კი სხვა ვერა წარმოგიდგენია რა. კმაყოფილი ხარ, ბედნიერი ხარ და მეც სოფელში მიმიწვევ, — ამოდი სამკალი დიღია და მუშები გვაკლიაო.

შენ, ჩემო ძმაო, როგორც გატყობ ისევ პირველი კურსის სტუდენტად დარჩენილხარ, მე კი... მე აქ უკვე გარიგებული მაქვს საქმე: დღეს იქნება თუ ხვალ... ამაზედ ხვალ! და დღეს მე აქ ყველასაგან პატივცემულ და პატივსაცემ კაცად ვითვლები და ამასთან თვალსაჩინო მოღვაწედ; დიად, თვალსაჩინო საზოგადო მოღვაწედ!

წარმოგიდგინე შენი განცვიფრება და სიცილი წამსკად.

— როგორ? ჩვენი „გაბლინძული“ და საზოგადო მოღვაწეობა! დაუჯერებელიაო, ყვირი, შეუძლებელიაო!

ფაქტია, ჩემო ტეტია, სრული ჭეშმარიტება.

კი ნუ გეწყინება, ტეტიას რომ გეძახი.

ტეტია სინონიმია გულუბრყვილო, უანგარო ადამიანისა, რომელიც თითონაც სინართლის გზას ადგას და სხვაც ყველა სინართლის ჭურჭში ჰგონია, ტეტია სინონიმია წვერიანი ბაღლისა, რომელსაც გულწრფელადა სწამს, რომ საზოგადო მოღვაწე დიდად განათლებული, ღრმად განვითარებული და უმწიკვლოდ პატიოსანი კაცი უნდა იყოს.

აბა, როგორ წარმოიდგენს შენისთანა... ბალანა, რომ საზოგადო მოღვაწეობისათვის ყოველივე ვე მეტი ბარგია, მეტადრე ვგრეთ წოდებული პატიოსნება... მაგრამ, ზოგჯერ თქმითაც გაფუჭდებისო, ნათქვამია.

საქმე ის არის, ყველას სასურველ კაცად ეჩვენებოდე, ყველგან იყვე, ყველგან სჩანდე, ყველას თვალში უვარდებოდე; ერთე სიტყვით, ღორის თვად იქცე, რომ უშენოდ ქორწილი არ მოხერხდებოდეს.

ილიაში პორტველი, თვალზედ ჰენსნი, ხელში კოხტა ჯოხი, ღრმა ფიქრით მოღუშული იერი და ჰაიდა! ისე უნდა მოახერხო, რომ უშენოდ არ მოხდეს არც ერთი კრება, არც ერთი სხდომა, თუნდა საკამათო საგანს მარების მცხოვრებთა საზოგადო წესწყობილების უვარგისობა შეადგენდეს. ყველგან უნდა იყვე, ყველას დაესწრო და შენცა სთქვა რამე. უთუოდ უნდა სთქვა რამე! რომ იცოდე, როგორ უყვართ ამ დალოცვილ ქალაქში მოლაპარაკენი! რაც გნებაეს, სთქვი, სულ ერთია, ოღონდ კი სთქვი რამე. საჭირო არ არის არც ცოდნა საქმისა, არც მომზადება, არც დასაბუთება. საბუთად სრულიად საკმარია, თუ იტყვი, „მე გგონია“, ან „ჩემი აზრითა“.



დავით აღმაშენებელი.

მაშინვე გაზეთებში ჩაგადგებენ: სხვა „ორატორთა“ შორის კამათში მონაწილეობა მიიღო... შენი არ იყოს გაბლინძულმაო.

ერთხელ იტყვი, მეორედ, მესამედ... ალლო უნდა გქონდეს, რომ გრძობდე საით არის ძალა, ესე იგი ჩვენი ქართული გულიანი ქადა. დიად ერთხელ იტყვი, მეორედ, მესამედ და, ვნახოთ, რაიმე გამგეობის წევრად კი აგორჩევენ!

ასე იციან აქა: გამგეობის წევრებს რომ ირჩევენ, იმას კი არ იკითხავენ, — ვინ არის, რა მომზადება აქვს, რას გავერიგებებს? შენც არ მომიკვდე! რაკი წამოიღა და „თავისი აზრი“ გამოსთქვა, ძან-ძან კაცი ყოფილა და სწორედ ვე განკურნავეს ჩვენს ჭირსა და ვარამსაო.

აგორჩევენ გამგეობის წევრად და... იქნება გგონია, ეს გაქმარონ და საქმიანობა მოგთხოვონ! ნუ ხარ... შენებურად ნუ სჯი! რის საქმიანობა, რა საქმიანობა?! ხვალე მეორე გამგეობის წევრად აგორჩევენ. მერე მესამეში ჩაგჩხირავენ... საცა კი გასაკეთებელი არის რამე, ყველას შენ დაგავალებენ.

ჩვენც, რა გაეწყობა, თუ გვინდა, რომ სათავეში ვუდგეთ საზოგადო საქმეს და მოღვაწეთა სახელი ღირსეულად ვატაროთ, იმდენ საქმეს უნდა მოვეკიდოთ, რომ საქმისთვის ვეღარ მოვიცალოთ! ყველგან უნდა ვიყვნეთ, როგორც მოვასხენე, და ეს ყველგან ყოფნა იმდენად ვრცელი და ძელია, რომ ნამდვილად არსადა ვართ! ყველგან ვჩანვართ და საქმით კი... საქმე თავისთავად მიღონლიალებს; ხან მიუსუსტდება, სულთ მობრძავს დაგვანება, ხან წამოკეთდება. სიკვდილის შიში კი არა აქვს, რადგან, მადლობა ღმერთს, ჯერ მრავალია, და იმედია, მომავალში უფრო მეტი იქნება შენისთანა გულუბრყვილო მამულიშვილი, რომელიც მშიერ-ტიტველი ივლის და საზოგადო საქმისათვის კი თავის წვლილს არ დაიშურებს.

საქმეს თქვენ ასაზრდოვებთ და, თუ არის მდივანი. შევიკრიბებით დანიშნულ დროს,

ისიც თუ მოვიცალებთ; მდივანი მოგვახსენებს, თუ საქმე არის რამე; ჩვენ კიდევ განაჩენს და ვადგენთ და... მშვიდობით დღეის სწორამდე.

საქმეზედ ფიქრი, ზრუნვა და სხვა და სხვა — ეგ მდივანის მოვალეობაა და, თუ მდივანი არ გახლავთ, არავისი.

მაგრამ ისიც მოხდება ხოლმე, იშვიათად, რაღა თქმა უნდა, რომ საქმე დაუყოვნებლივ უნდა გაკეთდეს. მაშინ... შენ რომ ყოფილიყავ, დაუმკლავებდი და... ჩვენ კი... მოვიხმობთ ხოლმე საქმის მოყვარულთ. რომ იცოდე, რამდენნი არიან ქალაქში „ემაგრე შენისთანები“! საქმეს ისინი აკეთებენ, უჩინარი მუშაკნი, და რომაელ ავსურებისა არ იყოს — სახელი და სახრავი კი ჩვენი გახლავთ!

ჩვენც შევირბენთ ხოლმე, რამდენსამე წამს დავრჩებით, გადავხედავთ, გადმოვხედავთ და ახლა სხვაგან მივეშურებით.

ახლა იტყვი, მაგდენს რად ეჭიდებით? ის არა სჯობია, ერთგან იყოთ და გააკეთოთ რამე, ვიდრე ყველგან ირიცხებოდეთ და კი არას აკეთებდეთო?

როგორიც ერიო, ისეთი ბერიო, რას იზამ? აქ საქმის ერთგულს გასავალი არ აქვს და... ვიცი ჩემს წერილს არავის მისცემ, ერთგან რომ „ვიყო, — ჩემი შრომისმოყვარეობა და საქმიანობა ხომ იცი — ვაი თუ იმისთანა პანლური მკრან, რომ — აკაკისა არ იყოს — ფრაკი შემომამხებრიწონ! დღეს კი ყველგან ვარ და ვეღარ ვიცილი! აქაური საზოგადოება იმდენად შეგნებულნი და განვითარებულნი, რომ თავის მოღვაწეთ უსაქმურობისთვის არ ემდურება.

პირიქით ვინც უფრო უსაქმურია, ვინც უფრო ყველგანა ჩანს და საქმისთვის ვეღარ იცლის, იმას უფრო მეტი პატივისცემით ეკიდებიან და ყოველთვის ცდილობენ ღირსეულად დააჯილდოვონ იმისი თავგანწირული მოღვაწეობა. ერთს დირექტორად დააბრძანებენ; მეორეს — რედაქტორად და თან სუბსიდიას დაუნიშნავენ: ე ფული ხომ არის და ჰბეჭდე, რაც გენებოსო: მესამეს რაიმე შენობის, ან სახლის მეთვალყურედ...

ახლა რიგი მიდგა ჩვენ — სახელი რა საქირაო? — თითონ არაფერია, მაგრამ ქმარი ჰყოლია მოღვაწე და მამასაღამე თითონაც უღვაწია...

სხედან, ჩემი ხარ ბატონი, და შეექცევიან ქადას! მერე, რა ქადას, რომ იცოდე?!

— რაო? თუ გული უვარგაო? შენ ცოცხალი მყავდე, ჩემო ტეტია, თორემ ჩვენ ქადას გული ყოველთვის ტკიბილი ექნება.

შენ კი ამტეხიხარ, თავი მიანებე მანდაურობას და სოფელში წამოდიო. ღმერთმა დამიფაროს!

შენი... არა, ძმა, არას მოვაწერ, თორემ, თუ გამიგეს, სულით ხორცამდე დავიღუბები კაკალი კაცი: ვინ იცის ვის ჩაუვარდეს ჩემი წერილი*).

X.

*) ეს წერილი სრულიად შემთხვევით ჩაგვივარდა ხელში. იგი ეკუთვნის ერთს ჩვენს დიდად გამოჩენილ მოღვაწეს. ვბეჭდავთ უცვლილად. დაე მკითხველმა განსაჯოს თუ რანაირი მოღვაწენი გვეყოლია და კვლავ გვეყოლებიან.

სურათი

თოვ ზარბაზნის გრიალი მიწყნარდა, მის მაგივრად საზარელი გმინვა, ოხვრა ისმოდა.

ქრისტეშობისთვის უკანასკნელი დამეა. ქარი ზუზუნებს და თოვლი ჰბარდნის. ცივა საშინლად: გვაცახცახებს.

მე და ვაბო დაჭრილ დახოცილებში ჩვენს ამხანაგს დათას დავეძებთ. ერთად გიღს მოსჩანს დამსხვრეული ზარბაზანი. ჩვენ ახლოს მივედით და ზარბაზნის ახლოს თვალი მოვჭკარით ორივე ფეხებ მოწყვეტილს სასიკვდილოდ დაჭრილ დათას.

გული შეგვიწუხდა. დათა არამც თუ მარტო ჩვენთვის, არამედ ყველა აქ მყოფ ქართველთათვის ერთი საუკეთესო მეგობარი იყო. როდესაც სამშობლოს მოშორებულთ უიმედობა და სევდა მოგვიცავდა, დათა იმ წამსვე გაგვამხნევებდა — ნუ შედრკებით, ელოდეთ უკეთესს მომავალს, ნუ დაგავიწყდებათ, რომ წარსულში რა თავგანწირვით ვიბრძოდით, ჩვენ დღესაც უნდა ვიმედოვნოთ, რომ დღევანდელმა ჩვენმა თავგანწირვამ ჩვენს სამშობლოს რამე არგოსო.

ხშირად თხრილებში მსხდომით დათა გვიამბობდა საქართველოს წარსულ დროის ამბებს.

ჩვენს მხიარულებაზე დათამ წამოიწია, შუაზე გადაჭრილი მუხლები გაანძრ-გამოანძრია, დაჭრილი ხელები გამოგვიშვია და დაიწყო:

— მეგობრებო, ხომ იცით მე ცხრა ბრძოლის მონაწილე ვარ, ყველგან გადავრჩი, მაგრამ მეთათხე, ბოლო მომელო, მე აწ სამუდამოდ გშორდებით, ძვირფასო ძმებო, თქვენ კიდევ იმედი უნდა იქონიოთ, სამშობლოს მიულოცავთ ახალ წელს, ნახავთ დედ-მამას ნათესავთ... მე კი უცხო ადგილს...

ვანუგემბდით... მაგრამ ჩვენს ხელში სულს ლევდა... თვალებით რაღაცას გვეხვეწებოდა.

სიტყვას ვეღარ აგებდა. გარდაიცვალა. დაღონებულნი დავცქეროდით დასახიჩრებულ დათას. ვსდუმდით, ხოლო ჩვენს ირგვლივ კვლავ ისმოდა ზარბაზანთა გრიალი და ყუმბარები ჩვენს ახლოს სქდებოდა.

ირ-დი.

გუჯაგის დედოფალი

(ოსმალურიდან გადმოკეთებული ზღაპარი*)

ერთ თვის მგზავრობის შემდეგ, თექნამას სახლამდის ერთი კვირის სავალი გზა იყო დარჩენილი, როდესაც უზირმა ნახა, რომ ერთ ღამეს დედოფალს ეტლის კარი ღია დარჩომოდა, ვეზირმა მოისურვა დედოფალთან დროების გატარება, შევიდა ეტლში და თავისი სურვილი განუხიარა. დედოფალს ძლიერ გაუკვირდა ვეზირის ამ გვარა გაბედულობა და შეუპოვრობა, დაუწყო დარიგება და უთხრა, მაგისთანა ორგულობას ნუ გაუწევ ხელმწიფესაო მაგრამ ამაოდ ჩაიარა დედოფლის ყველა სიტყვებმა. დედოფალმა თავის გაუბატოებებს სიკვდილი ირჩია. ვეზირმა ნახა, რომ დედოფალი არა ნებდებოდა, გამხეცებულმა ვეზირმა მეფის ორივე ვაჟი დედოფლის თვალწინ დაკლა, რომ შეეშინებინა


*) იხ. 1915 წ. „საქ.“ დამატება № 10



× ნ. ნიკოლაძის ქალიშვილი
საფრანგეთის წითელ ჯვარში.



საფრანგეთის სათნოების და ნ. ნიკოლაძის ქალიშვილი მეუღლითურთ.



სანგრებში ქართველი ჯარისკაცი.

და დანებებოდა. როდესაც ვეზირმა ნახა, კიდევ უარზედ იდგა დედოფალი, დამუქრებით უთხრა:

— იცოდე, ეხლავე შენც მოგკლავ, თუ არ დამნებდები.

ამ დროს გაშტერებული დედოფალი-კი გულჩათუთებული უყურებდა თავის ორ შვილის გვამს თუ როგორი ტანჯვით სულს ლევდენდნ სისხლის მორევეში და გამხეცებული ვეზირი კი იმ დროს ცდილობდა აესრულებინა თავის გულის წადილი.

ამ სურათის შემდეგ ვედრებით უთხრა დედოფალმა:

— ამალამ დამანებე თავი, რომ ჩემი შვილები ვიტყრო, ხვალ სალამოსკი შენი ნება იყოსო.

ამ დაპირებით ვეზირი მოშორდა და წავიდა თავის ბანაკში დასაძინებლად.

შუალამისას დედოფალმა თავის ტანისამოსზე გადაიკვა ერთი ფალასი (ფარატინი) ჩუმად გამოვიდა ეტლიდან და ბანაკს მოშორდა. გამწარებულმა დედოფალმა გათენებამდის იარა. ბოლოს ერთ ქოხში დაიმალა, რომ მდევრებს არ ენახათ. როცა გათენდა მოახლეებმა ვეზირს მოახსენეს, დედოფალი არა სჩანს და მეფის შვილები-კი მკვდარნი სისხლში სცურავენო. ვეზირმა თავის დანაშაულის დასაფარავად, დაუწყო დედოფალს ძებნა, ბევრი ძებნის შემდეგ სთქვა: როგორც სჩანს დედოფალს თითონვე დაუხოცნია შვილები და გაქცეულაო. ყველამ იცით, დედოფალი ჩვენს მეფეს ტყეში ეპოვნა, ალბად ტყეში გაიქცა, რახან წინანდელი ნამყოფი ადგილები ნახაო.

დაასაფლავეს მეფის შვილები, ზედაც ერთი თვალ-საჩინო აკლდამა და-

ადგეს. ვეზირი უკან დაბრუნდა თავის ჯარით და ამალით.

საბრალო ქალს კვლავ მოუხდა ტყეში ყოფნა. მწარედ სტიროდა და ღმერთს შესწიოდა:

— ღმერთო! ხელმეორედ რად განმდევნე ამ უდაბურ ტყეში? რატომ არ შემობრალე მე საცოდავო!

მაგრამ მაინც იმედს არა ჰკარგავდა. კარგა ხნის სიარულის შემდეგ, მწიერ-მწყურვალე ქალი მოულოდნელად შეხვდა ერთს მწყემსსა და სხვათა შორის ჰკითხა:

— ვისია ეს ცხვრები?

— ერთ მდიდარ კაცისა არის, რომელსაც არავინა ჰყავს, არც ცოლი, არც შვილი, გარდა ერთი მოსამსახურისა და დამავეწყა ერთი კეთილ-გონიერი მამაკაცისა. ეს უკანასკნელი მეგობარია ჩემი ბატონისა, რომელიც სალამობით მოდის და ართობს ხოლმე.

საბრალო ქალი მიხვდა მაშინვე, რომ მწყემსის ლაპარაკი იმის მამას შეეხებოდა და გულამომჯდარმა ჰკითხა:

— რომელი ქვეყნიდანა ხარო?

— მე შორი ქვეყნიდანა ვარ მოსული, მეცხვარეობით უნდა შევაგროვო რამდენიმე მანათი და მერე დავბრუნდე შინაო.

რადგან ქალს კაცის ტანისამოსი ჰქონდა გადაცმული და თმებიც ქულში ჰქონდა ჩატანილი, მეცხვარე ვერ მიხვდა, ვინ იყო მასთან.

— ძმაო, უთხრა ქალმა მწყემსსა, — ახლა რომ მე ორასი თუმანი მოგცე, წახვალ შენ ქვეყანაში? არა?

— ერთს საათსაც აღარ გაფიქრებდი, მაგრამ ცხვრებს რა გუყო? პატრონს უნდა ჩავაბარო თუ არაო?

— მაგისათვის ნუ სწუხარო, — მიუგო ქალმა, — ცხვრებს პატრონთან მე თითონ წავლალამ, შენ კი წადი შენს ქვეყანაში — გზა დამილოცნიაო. შემდეგ ამოიღო ორასი თუმანი, ჩაუთვალა ხელში და უთხრა:

— სახსოვრად დამიტოვე შენი ქული, ტყაპუტი, გუდა და კომბალიო.

მწყემსმა საჩქაროდ გადასცა რაც ქალმა სთხოვა, შემდეგ გამოემშვიდობა და გაუდგა თავის გზასა.

დროებამ დედოფლად აქცია და დროებამვე, იმავე დედოფალს მწყემსის სამსახური არგუნა!

მისთვის არის ნათქვამი: „ქვეყანა ცვალებადიაო“.

დედოფალი მწყემსის ტანისამოსში გამოეწყო, აიღო ხელში კომბალი და სალამო ხანს დაირეკა ცხვრის ფარა და გასწია ღიდი ხნის უნახავ და დანატრებულ მამის სახლისაკენ.

ბატონმა შეამჩნია მწყემსი გამოცვლილიყო და ჰკითხა მიზეზი ახალ მწყემსსა.

— ბატონო! მე თქვენი მწყემსის ძმა გახლავარ, ჩემი ძმა შინ გავგზავნე, რადგან საჭირო საქმე გამოუჩნდა. თუ ისურვებთ იმის მაგიერად მე გემსახურებით ამის შემდეგაო, უთხრა ქალმა.

თექანამს მოეწონა მწყემსის სიტყვა-პასუხი და ნება დართო მწყემსად ყოფნისა.

ახალი მწყემსი ერთგულად ასრულებდა თავის მოვალეობას. ხშირად ჰხედავდა ხოლმე ქალი თავის მზრუნველად ნამყოფ გაიძვერა მეზობელს, ფარისეველს, რომელიც მალ-მალ დაიარებოდა იმის მამის სახლში. იქ, სმა, ჰამა და დროების გატარება არა ჰკლებია. ჰხედავდა ქალი ყველა ამას

და გული ნალვლით ევსებოდა, მაგრამ თავის ვინაობის გამოაშკარავებას დრომდე ვერა ჰხედავდა.

ხელმწიფემ რა ნახა ვეზირის ასე მალე უკან დაბრუნება, დედოფლისა და შვილების თან არ ყოლა, გაკვირვებულმა ჰკითხა მიზეზი ვეზირისა:

— სად არის დედოფალი და ჩემი შვილები?


— ბატონო! ერთის თვის სავალი გზა გავიარეთ, თითქმის დედოფლის მამის საცხოვრებელ ქალაქსაც ვიყავით მიახლოვებული, რომ ერთ ბნელ ღამეს ამდგარიყო დედოფალი, თავისი შვილები მოეკლა და გააპარულიყო. მდევრები გამოუწყენე, ბევრი ვეძებეთ, ტყეში, ღრეში, მაგრამ ამაოდ; ვერა ვნახეთ! თქვენი შვილები ღიდის გოდებით დავეკრძალე, ზედ აკლდამა ავაგე და დავბრუნდიო, მოწიწებით უბასუხა ვეზირმა.

ხელმწიფე ძალიან შეწუხდა და არ იცოდა რა ეთქვა, ბევრნაირი ეძვიებადებოდა თავში. ბოლოს თავის მოადგილედ სხვა დასტოვა, თან წამოიყვანა იგივე ვეზირი და წავიდა იმ ადგილის სანახავად, სადაც მისი შვილები იყვნენ დამარბული. ბევრი გლოვა-ურვის შემდეგ მეფემ უთხრა ვეზირისა:

— ახლა მე და შენ უნდა წავიდეთ დედოფლის მამის სახლში, იქნება მამასთან იყოს მისული, თუ იქ ვნახე, უცილოდ მოგკლავ იმ ბოროტ სულს, რომ მით ჩემი შვილების სისხლი ავილოვო!

ვეზირს არ ესიამოვნა მეფის ვადაწყვეტილება და უთხრა:


— ბატონო ჩემო! ის ქალი ხომ თქვენ ტყეში იპოვეთ, ალბად ახლა



ბრძოლის ველზე. ქართველი ოფიცრები და ექიმები. მათ შორის ნიკო კობიაშვილი და ექიმი იშხნელი.



ვანო მალალაშვილი პრაპორჩიკი, მოჰელეს ოსმალეთის ასპ.



ბრძოლის ველზე. ქართველი ოფიცრები ოსმალეთის მხარეს.



ტყე რომ ნახა, კიდევ იქ ყოფნა ირ-
ჩია, ეტყობა გრძნეული უნდა ყოფი-
ლიყო.

რახან აქამდის მოვსულვართ, ჩემი
უკან დაბრუნება ახლა შეუძლებელია,
ვიდრე ვეღვაფერს დაწვრილებით არ
შევიტყო.

შეტი რა გზა ჰქონდა ვეზირსა ნება
უნებლიედ დამორჩილდა.

ერთ კვირაზე მივიდნენ იმ მთაზე,
სადაც მწყემსი დედოფალი მამის
ცხვირის ფარას აძოვებდა. როცა
მწყემსს დაუახლოვდნენ, დედოფალმა
მაშინვე იცნო ისინი, ისრეც დაუვი-
წყარი ნაღველი, მათი ნახვით გაუორ-
ქმელდა და დაიწყო ტირილი.

ხელმწიფემ მწყემსი რასაკვირველია
ვერ იცნო და მისვლისათნავე ჰკითხა
შიზეზი ტირილისა:

— ჩემ ცხვართაგან ერთმა ორი
ბატკანი შვა, მაგრამ მე და ჩემმა
ძალმა ვერ ვიფხიზლეთ, მოვიდა მგე-
ლი და ორივე დაგლიჯა, როცა მე
ბატკნები სისხლის მორევეში ვნახე, გუ-
ლი ამიღულდა და მისთვისა ვსტირიო,
მიუგო მწყემსმა.

— ჰოი მწყემსო! მაშ იმ კაცმა რა-
ლა ქმნას, რომელმაც თავისი ორივე
შვილი რომ ნახოს დახოცილი?!

ამ სიტყვებზე იმათ სიბრაღის
თვალთ შეხედეს ერთმანეთს, და ორ-
თავემ თვალთაგან ცრემლები ჩამოყა-
რეს.

— ბატონებო! აქეთ სად მიბრძან-
დებოდით? ჰკითხა ბოლოს მწყემსმა.

— აქ ახლო ქალაქში გვინდა წასვ-
ლა ერთი ვაჭრის სანახავად, ღამესაც
იმასთან გავატარებთო, სთქვა მეფემ.

დედოფალი მიხვდა, რომ იმის მა-
შის სახლში უნდოდათ ჩამოხტომა,
ამიტომ ჰკითხა:

— რომელ ვაჭრის სახლში გსურთ
ჩამოხტომა?

— თქვენ ვაჭრისა, მიუგო მეფემ,
რომელსაც ერთი ქალი ჰყოლია და
ისიც დაუკარგავს.

— მაშ ჩემთვის კარგად მოგიგნია-
თო, — უპასუხა მწყემსმა, აი ეს ცხვრე-
ბი იმ ვაჭრისაა და მეც ამისი მწყემსი
გახლავართ. აგერ რვა წელიწადია
იმასთან ვარ, (განგებ იცრუა დედო-
ფალმა, რომ იმათ ეჭვი არ აეღოთ),
სალამო მოახლოვებულია, და თუ რომ
ისურვებთ, ერთად წავიდეთო. დასთან-
ხმდნენ ისინიც და ცოტა ხნის შემ-
დეგ წავიდნენ ერთად თქვენის სა-
ხლში. თქვენმა მოულოდნელი სტუმ-

რები დიდი პატივისცემით მიიღო და
გულიანათაც გაუმასპინძლდა. თქვენას
ერთგული ფარისეველიც იქ იყო და
საუბარში ისიც იღებდა მონაწილეო-
ბას.

საბრალო დედოფალ-მწყემსი-კი, იქ
თავისთვის ჩუმათ და დაღონებული
ყურს უგდებდა იმათ ლაპარაკს.

თქვენამა სთხოვა თავის ერთგულ
მეგობარს, ახალ სტუმრების გასამხი-
არლებლად ერთი კარგი ზღაპარი
ეთქვა.

ხელმწიფესაც და ვეზირსაც დედო-
ფლისაგან გაგონილი ჰქოვდათ, რომ
მჭერმეტყველი კაცი იყო, ამიტომ
იმათაც სთხოვეს, ეთქვა ზღაპარი. ფა-
რისეველმა დაიწყო შემდეგი მოთხრო-
ბა, რომელშიაც სამი საგულისხმიერო
ღარიგებაა მოყვანილი.

პირველად: საქმის გაუშინჯავად და
გამოუძიებლად ნურას ჩაიდენ.

მეორე: ბევრის მომლომი ცოტასაც
დაჰკარგავს, ანუ ცოტასა ზედან სარ-
წმუნო იყავ, მრავალსა ზედან დაგა-
დგინო შენ.

მესამე: ქვეყნის ქონება არის ჰქუა,
თუ რომ კაცს შნო და ხერხი აქვს,
ქონების შეძენა ძნელი არ არის.

სმენა იყოს და გაგონებაო, სთვაქ
ფარისეველმა; ნათქვამია: კარგის
მთქმელს კარგი გამგონიც უნდა, კარ-
გი მსმენელი ცოტასაგანაც ბევრს აზრს
გამოიტანს.

მოთხრობა ფარისევის მიერ.

ერთ ქვეყანაში ცხოვრობდა დედის
ურჩი ერთი ახალგაზრდა ვაჟი, რომე-
ლიც არას ზოგავდა, რომ აესრულე-
ბინა თავის გულის წადილი და მუდამ
ტოლ-ამბანაგებთან დროს გატარებაში
იყო თუ რამეს იშოვიდა. ბოლოს ისე
გასაწყლდა, რომ პურის ფულსაც ვე-
ლარ შოულობდა. დასასრულ დაიწყო
ცხენით წყლის ზიდვა სახლებში, რომ
დღიური სარჩო ეშოვნა. ნათქვამია:
„ზომიერობის მცოდნე და საქმის მცო-
დნე, საწყლად არ დარჩებაო“

ერთს დღეს, როდესაც ამ ვაჟმა ერთ
მდიდრის სახლში წყალი მიიტანა,
თვალი შეავლო სახლის პატრონის
ერთად ერთ ღამეზე ქალს, რომელიც
აივანზე გადმოყუდებულიყო. ქალის სი-
ლამაზემ ძლიერ მოხიზლა ამისი გუ-
ლი და აღარ იცოდა რა ექნა. ბოლოს
გუნებაში გადასწყვიტა, რომ ის ქალი
ცოლად შეერთო.

მივიდა შინ და თავის დედას გაუ-
ზიარა თავის გადაწყვეტილება.

მისმა დედამ კარგად იცოდა, რომ
ტყუილად პირს შეირცხვენდა, მდიდ-
რი იმის შვილს ქალს არ მიათხოვებ-
და და ამიტომ უთხრა შვილსა:

— შვილო! ჰქუაზედ ხომ არ შე-
შლილხარ? რის იმედითა თხოულობ
მდიდრის ქალს. ნიშნად რა უნდა წა-
ულო? რა ხელობის პატრონი ხარ?
შენ შენი თავი ვერ შეგინახია და
ცოლი რილათი უნდა არჩინო?

— ეგ მე ვიცი როგორც შევინახამ!
და თუ შენ არ წახვალ არვიცი რას
ვიზავო — გადაქრით უთხრა შვილმა.

რალა ვაეწყობოდა, დაღონებულმა
ბებერმა წამოისხა დაგლეჯილი შალი.
მივიდა მდიდრის სახლში, ქალბატონი
მოიკითხა და პირდაპირ უთხრა ღია-
სახლის:

— ჩემი შვილი თქვენს ქალსა თხო-
ულობს და იმისთვის გაახელით, რომ
გავიგო მისცემთ თუ არაო? ჰკითხა
კრძალვით ბებერმა.

— დედი! ჯერ ერთი, — მესმის შვილს!
არ ვიცნობთ რა კაცის შვილია, —
ვიციოთ რა ხელობისაა, ნასწავლია,
თუ უსწავლელი, აბა რა გითხრა, უპა-
სუხა დიასახლისმა.

— ქალბატონო! მიუგო ბებერმა, —
ჩემი შვილი ერთი საწყლის შვილია,
ხელობითაც წყლის მზიდველია, არც
ქვეშ აბადია რამ და არც ზედა.

მე არ მსურდა თქვენი შეწყუბება,
მაგრამ დამემუქრა ჩემი შვილი, რა
მექნა, იძულებული მოველ თქვენთან.

— მე ვერას გეტყვი უთხრა დიასახ-
ლისმა: ცოტა ხანი მოითმინეთ სადაც
არის ჩემი ქმარი მოვა და როგორც
სახლის უმფროსი, იმას უთხარო.

(შემდეგი იქნება)

აღ. იაკ. ახალციხელი.



მილოვი და ადილხანოვი (გულ-ამოსკვნით მღერიან)
თავმა თხარა, თხარა, — ციხე გამოთხარა!



მოდის ვნახოთ ჯაბარი,
მას ებარა შაქარი!



მიველ ვნახე შაქარი,
გამხდარიყო ჯაბარი.



კარიკატურა ა. ციმაკურიძისა.